

Et ozi leto la zonta, si reduse el Consejo di X, soli, justa il solito. Et vene suso sier Nicolò Donado, non veniva in Pregadi questo anno per esser ussido di governador, et feno li soi Cai di X: sier Domene-go Beneto fo consier, sier Hironimo Duodo fo consier che più non è stato Cao, et sier Hironimo Tie-polo fo consier.

64* *A dì 30, fo San Hironimo.* Fo chiamà Gran Consejo per far la pruova di la zonta al Consejo di Pregadi. Et il Principe non fo a' Consejo, fono pochi, numero 866, che solea esser più di 1000, perchè molti non volseno andar, dicendo in tanti pericoli et fuogi atorno si fa Consejo, si dovea indusiar a far la zonta. Fono tolti numero ... e *solum* 5 debitori pasono numero ... che pol iotrar, et pochi altri che non poteva intrar. Rimaseno cinque oratori è fuora: sier Francesco Foscari el cavalier a Roma, sier Zuan Badoer dotor e cavalier in Spagna, sier Andrea Badoer in Ingaltera, et sier Marco Dandolo dotor e cavalier in Franza, et rimase nuovo e vene ultimo sier Antonio Surian el dotor è in Hongaria. Et rimase questi ch'è fuora; sier Andrea Loredan è provedador zeneral in campo, sier Bortolo da Mosto è provedador a Bergamo, sier Alvise Emo è capitania a Padoa, qual *de jure* non si dovea provar, per non esser andà il suo successor ancora, et per termination di la Signoria si prova, atento fu fato con condition di capitania zeneral per scurtinio. Cazete sier Alvixe Mozenigo el cavalier, qual fu soto, èt sier Vetur Michiel, ch'è di la zonta, el qual questo anno è stà in eletion, si à potuto tuor di Pregadi e non ha voluto, e mò è cazuto di la zonta. Fono nominati molti, quali è stati a servir la Signoria a Padoa et à Trevixo, e niun rimase.

Sier Andrea Baxeio, fo conte a Spalato, è a la custodia di Treviso, qu. sier Jacopo.

Sier Piero Boldù, fo a la custodia di Padoa, qu. sier Lunardo.

Sier Bernardo Boldù, fo a la custodia di Padoa con homeni ... a so spexe, qu. sier Filipo.

Sier Andrea Bondimier, fo capitania zeneral in Po, fo a la custodia di Padoa e ultimamente a la custodia di Treviso e con do fioli e do cavali a so spexe, qu. sier Zanoto.

Sier Marco Antonio Contarini, fo capitania in Fian-dra, fo a la custodia di Padoa con 25 homeni a so spese, qu. sier Alvise.

Sier Bernardin da cha' Taiapiera, fo podestà a Caravazo al tempo dil conflitto, qu. sier Nicolò.

Sier Cristofal da Canal, fo a la custodia di Padoa con homeni 20 a so spese, qu. sier Zuane.

Sier Donà da Leze, fo a la custodia di Treviso con homeni ... et 10 balestrieri a cavallo, di sier Michiel.

Sier Sebastian Malipiero, fo camerlengo a Cremona, qu. sier Troilo.

Sier Lodovico Michiel, fo contestabele a Charavazo al tempo dil conflitto, qu. sier Polo.

Sier Jacopo Michiel, fo a la custodia di Padoa, a la prima obsidion, e mo' a la seconda con homeni 20 a so spese, qu. sier Biasio.

Sier Thomà Michiel, fo a la camera d'imprestidi, fo a la custodia di Padoa con homeni 10 a so spese, qu. sier Zuan Matio.

Sier Zuan Moro, fo a le Rason nuove, fo a la custodia di Treviso, qu. sier Damian.

Sier Zuan Vendramin, fo provedador sora la camera d'imprestidi, che mandò homeni 25 a so spexe a Padoa, qu. sier Alvise, qu. Serenissimo.

Sier Nicolò Vendramin, ch'è di Pregadi, ch'è provedador executor in campo, qu. sier Polo, qu. Serenissimo.

Sier Jacopo Manolesso, fo provedador a Pizigaton, qu. sier Orsato.

Sier Alvixe Bembo, fo provedador executor in campo, qu. sier Polo.

Sier Polo Bragadin, fo a la custodia di Padoa con homeni ... et cavali ... a so spese, qu. sier Zuan Alvise.

Sier Zusto Guoro fo di Pregadi, fo a la custodia di Padoa, con homeni 4 a so spexe, qu. sier Pandolfo.

Sier Andrea Arimondo, fo provedador a Feltre, qu. sier Simon, che mandò suo fiol a la custodia di Treviso, con homeni 10 a so spese.

Et è da saper, questa matina, reduto il Gran Consejo, fo chiamà sier Lunardo Emo, ch'era li, e dito el vadi a Treviso, et li signori di note, tutti quali fo mandati per le palude con li ufficiali, acciò li poveri villani abino qualcheduno li fazi levar, e condurli de qui, e cussi andono. *Etiam* li cassieri di officii di Rialto, fo mandati zoso, e sier Zacaria Gabriel ch'è vice Doze, ch'è cassier, vene zoso con il camerlengo di comun sier Marco Foscari per mandar danari a Padoa. E la zonta fo compida a hore ... nè fo balotà le vose dil Consejo, e fo stridà di far il primo Gran Consejo avogador di comun in luogo di sier Francesco Donado el cavalier, ha acetà consier in Cyprio.

Et in questa matina reduto il Colegio, dove vi fu el Principe.